

Cinn dúinn comhairle, a Chormuic

[Ó Donnchadha, T. *Leabhar Cloinne Aodha Buidhe*, Dublin, 1931, poem 12]

Cian Ó hEachaidhéin .cc.

1 Cinn dúinn comhairle, a Chormuic,  
san chás, a fhéil ardordhruic;  
lán d'egna is d'fhogluim ó ataoi,  
freagra ar bhforluinn dá bhfédthaoi.

2 Agso fuighleach áir t'ollamh  
díor éisdeacht re ar n-agallamh  
a eó Modhuirne, a mhúr cruaidh  
ag súr comhairle a chonsuil.

3 Do fhuathaidh cách ceird ar sean  
ar ndol do ghlóir Ghaoidheal;  
táinic críoch ar dtéarma isteach,  
mo dhíoth sa beurla ar biseach.

4 Lán gach aon d'fhuath na bhfileadh;  
beith mur táid do tairngireadh  
a dhearc sháimh, a shúil shochair,  
's dúil i ngláimh 's i ngeocachaibh.

5 Iar sgur d'fhéile agus d'oineach  
tugsad cách go crúadhchroidheach,  
sgél neamhfholáigh dhúinn nach dleacht  
cúl re ar n-ealadhoin d'éisdeacht.

6 Imtheacht Gaidheal fhuinn Fhódla  
tug an éigse d'fhurfhógra;  
faríor a neimhneart aníodh,  
gníomh san seinreacht nár saoiléadh.

7 Ar mbeith beo ní breath Ghaoidhil,  
mó as aidhbhsíoch le handaoínibh,  
mo sgél truagh an méidsi amháin,  
's gan luagh ar éigse d'admháil.

8 Do rinneadh bhós bailbh bhodhra  
dá mair dar n-aos ealadhna;  
cia an uairsi éisdeas re ar gcor?  
léirsgrios na huaisle an t-adhbhor.

9 Díbirt sleachta Néill náraidh,  
lén bhus aosda d'annálaibh,  
tug mé tar chách gan chuimse,

isé as fháth don argoinsí.

10 Gaoidhil nuaidhe niamhghuirt Néill,  
córa goill do ghairm dhíbhseín,  
ní thig síad le saoidhibh scol,  
má's Gaoidhil íad ní eador.

11 Don druing nuadhsa ó nach díobh dhuit  
cinn dúinn comhairle a Chormuic,  
a mhaighre lúidh learg Line,  
ga ceard dúin do dlighfidhe?

12 Ó's sibh féin, a chnú chroidhe,  
as aipche 's as eagnuidhe,  
malairt ceirde deunaidh dhamh  
d'fheughain an feirde ar bhfabhar.

13 Sir na margaidh, a mheic Airt;  
bíoth ad bhél: búta ar mhalairt:  
ná hér iomlaoid ar a holc;  
dod shén fionmaoid ar bhfurtocht.

14 Tuirrseach sinn re a sén bhfadóil;  
meall a cheird on chóradóir,  
i ngar mur fhionnmaoid uile  
fagh iomlaoid ón úcoire.

15 Malairt 'na thráth dénaidh dhúin;  
deibhidh ort! féch d'ar bhfortún,  
as m'ucht, a ríghreulta rod,  
re lucht sírdhénta snáthod!

16 Fearr dhúinn muna dherna sibh  
malairt ceirde, a chruth suaithnidh,  
drud ó radharc céille cáigh,  
Éire 's a hamharc d'fhágbháil.

17 Nó is caithte an ceathramhadh húair  
dhúine dol, ionnsa an anbhúain,  
a shénchrann go sliocht snoighe,  
ar iocht réudhchlann Rudhroighe.

18 Muna dhéucha Dia is tusa  
d'iarsma t'ollamh dúthchusa,  
meisde a dtánuig dar nós náir,  
atámaid fós ar faghbháil.

19 A ua Seaáin, saormhac Briain,  
mheic Feidhlim, troigh ré dteinnghliaidh,

fóir, a fhlaith, loimcheas na scol,  
oircheas gach maith do mhóradh.

20 Damadh beo d'fhuil Bhriain Bhallaigh  
'sna crothaibh do chualamair,  
mó 'ná m'anairc cládh o gCuinn  
malairt fám dhán ní dhiongnuinn.

21 A ua ríogh rátha Teamhra,  
a liaigh díochuir doimheanma,  
sgaoilsi cuisle a damhnuidh dhi,  
cuirsí anmuin san éigsi.

22 Síol Ríghnéill na n-euchd n-amhra  
ní luaidhfinn lén m'ealadhna  
rug tar céill ar dtuisle tinn  
'na gcuimsi féin dá bhfaicinn.